

**Uunga siunnersuut: Utoqqalinersiaqarneq pillugu Inatsisartut inatsisaat nr. xx, xx xxx
2017-imeersup allanngortinnissaa pillugu Inatsisartut inatsisaat. (Inatsisip kalaallisut
oqaasertaani § 17, imm. 6-mut aaqqiissut)**

pillugu

Ilaqtariinnermut Peqqissutsimullu Ataatsimiititaliap

Siunnersuutip aappassaaneerneqarnerani

ISUMALIUTISSISSLUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Martha Lund Olsen, Siumut, siulittaasooq
Inatsisartunut ilaasortaq Mala Høy Kuko, Atassut, siulittaasup tullia
Inatsisartunut ilaasortaq Jess Svane, Siumut
Inatsisartunut ilaasortaq Laura Tåunâjik, Siumut
Inatsisartunut ilaasortaq Debora Kleist, Inuit Ataqatigiit
Inatsisartunut ilaasortaq Mimi Karlsen, Inuit Ataqatigiit
Inatsisartunut ilaasortaq Kelly Berthelsen, Inuit Ataqatigiiit

UPA 2017-imi ulloq 24. oktober 2017-imi siullermeerinerup kingorna siunnersuut ataatsimiititaliamit sukumiisumik misissorneqarpoq.

Siunnersuutip imarisaa siunertaalu

Siunnersuut utoqqalinersiat pilligit Inatsisartut inatsisaata atuuttup kalaallisuuani inatsisip oqaasertaanut § 17, imm. 6-imut allannguutissatut siunnersuutaavoq. Kalaallisuuani inatsisip oqaasertaata iluarsineqarnissaa siunnersuutip siunertaraa, taamaaliornikkut danskisuuanin inatsisip oqaasertaanut inatsimmilu tunngavagineqartumut naapertuuttunngorsinnaaqqullugu.

Siunnersuutip Inatsisartuni siullermeererneqarnera

Siullermeerinermi allannguutissatut siunnersuut Isumaginninnermut, Ilaqtariinnermut, Naligiissitaanermut Inatsisinillu Atuutsitsinermut Naalakkersuisumit saqqummiunneqarpoq. Siumup, Inuit Ataqatigiit, Demokraatit, Atassutip aamma Partiit Naleqqap oqaaseqartartui saqqummiussipput.

Partiit Siumut, Inuit Ataqatigiit, Demokraatit, Atassut allannguutissatut siunnersuutigineqartoq tamakkiisumik tapersersinnaavaat, tamanna malillugu nunatsinni

ilisiartornermut atatillugu angalanermut aningaasartuutit matussuserneqartarnerisa utoqqalinerrialinnut taamaallaat atuutsinneqarnissaa tunngavissaatinneqarluni.

Danskisuani inatsisip oqaasertaata kalaallisut oqaasertaanut naleqqussarneqarnissaa Partii Naleqqap kissaatigaa, taamaaliornikkut naatsorsuutigineqartumit inatsisitigut inissisimaneq allannguuteqassamat.

Tamanna tunngavigalugu siunnersuut sukumiinerusumik suliarineqartussanngorlugu Ilaqtariinnermut Peqqissutsimullu Ataatsimiititaliamut innersuunneqarpoq.

Ataatsimiititaliap siunnersummik suliarinninna

Utoqqalinersiat pillugit malittarisassani atuuttuni § 17, imm. 6-ip kalaallisuuta danskisuatalu oqaasertaliorneqarnerat imminnut naapertuutunngortinnejarnissaasa allannguutissatut siunnersuuteqarnikkut qulakkeerniarneqartoq ataatsimiititaliamit maluginiarneqarpoq.

Kalaallisuani naqqiissutigineqartussatut kissaatigineqartup qulakkiissavaa aalajangersakkap imarisaa aalajangiiffigisassatut siunnersuutip UPA 2015/20-p aammalu siunnersummum matumunnga isumaliutissiissutip imarisannut naapertuutilissamat. Aammattaaq angalanermut aningaasartuutit matussuserneqartarnerat eqqarsaatigalugu utoqqalinersiat pillugit maleruaqqusanut atuuttunut nassuaatini naatsorsuutigineqarlunilu nassuaatigineqartutut inatsisitigut inissisimaneq allannguutissatut siunnersuutikkut saqqummiunneqartukkut qulakkeerneqassaaq, tamannalu utoqqalinersiat pillugit siunnersummi UKA 2015/160-imi saqqummiunneqarlunilu oqallisigineqarpoq.

Nunatsinni ilisisoqarneranut atatillugu angalanernut aningaasartuutinut taamaallaat matussusiisoqartassaaq.

Naak nunatsinni kalaallisut oqaatsit pingaarnersaagaluartut kalaallisuani oqaatsit kukkusut iluarsineqartariaqarput, tamannalu siunnersummi matumani pivoq.

Siunnersuutit saqqummiunneqartut pitsaassusissaasa qulakkeerneqartarnissaat siunissami piumasagaataalernissaanik qulakkeerisoqarnissaa ataatsimiititaliap kaammattutigineqarpoq.

Utoqqalinersiallit atugaasa pitsangorsarneqarnissaannik allanik kissaateqartoqassappat utoqqalinerrialinnulluunniit inatsisitigut inissisimaffik allangortinnejassappat tamanna pillugu immikkut siunnersuuteqarnikkut pisariaqarpoq.

Ataatsimiititaliap inassuteqataa

Siunnersuut ilusimisut iluseqartoq akuerineqassasoq ataatsimiititaliap isumaqatigiittup inassutigaa.

Taama naatsumik oqaaseqarluni isumaliutissiisummilu oqaatigineqartutut paasinnilluni siunnersuut ataatsimiititaliap aappassaaniigassanngortippaa.

Martha Lund Olsen
Siulittaasoq

Mala Høy Kuko

Jess Svane

Laura Tàunâjik

Debora Kleist

Mimi Karlsen

Kelly Berthelsen